



Universitätsbibliothek Paderborn

Centvriæ Selectorvm Casvvm Conscientiae. I. II. III.tia

Burghaber, Adam

Fribvrgi Brisgoiæ, 1665

58. Maxentivs res raras & peregrinas, etsi venales non habeat, malè
tamen vendit quocunque potest pretio.

urn:nbn:de:hbz:466:1-40942

dam, & quasi conditionalem perficiendi Sacramentum inclusam in illa voluntate faciendo, quod facit Ecclesia, vel instituit Christus, quæ voluntas generalis sufficit, ut ex vi illius in eo instanti perficiatur forma, in quo finita est forma essentialis Baptismi, antequam addantur cetera accidentalia de B. Virgine.

Ad 2. Dicimus, neutiquam omnia verba eodem modo pronuntiari, nam tum ex intentione proferentis, tum secundum commune Christianorum audientium iudicium priora de SS. Trinitate pronuntiantur, ut substantialia: posteriora de B. Virgine, ut merè accidentalia. Quare nec eodem modo significant & operantur; prius enim quam ultima de B. Virgine proferantur, priora de SS. Trinitate iam perfectum suum significatum habent, & effectum ponunt; unde denique nihil hic veritati formæ repugnans reperitur, ut bene Coninck n. 73. Prudenter tamen monet Dicastillo n. 174. vitandas esse tales additiones; tum quod minus conformes sint institutioni Christi, qui voluit, Sacramentorum formas certis & determinatis verbis proferri, tum quod communivsui & precepto Ecclesie in re magni momenti repugnant.

LVIII. Maxentius vir diues plures habet res raras & peregrinas, easq; nulli quidem venales proponit, si quis tamē illarū aliquam cupit, vendit eandem, quecunq; potest pretio. Quaritur. Verum licet?

Vi-

Videtur omnino licet vendere. Ita Sotus L. 6. de just. q. 2. art. 3. ad fin. Medina, Ledesma, Bannez, Salon, Valent. Sa V. emptio. n. 3. Pet. Nauarr. l. 3. c. 2. n. 11. & alij. Mouentur Tum quia similia peregrina nec legitimum, nec vulgare pretium habent, sicut nec usus mulieris, cantus, saltatio exquisitor. Ergo ex voluntate contrahentium sortiri illud debet. Tum quia eadem non sunt necessaria hominum usibus; nec tenetur venditor illa a se alienare. Ergo poterit quoduis ab emptore pretium exigere. Cum alias iuxta commune adagium res tantum valeat, quantum vendi possit. Tum quia emens rem pretio excessivo, cum nullam necessitate faciat, excessum pretij donare censetur. Tum quia apud Iapones & Aethiopas res vilissimae magni saepe estimantur, & iuste pro eis magna pecuniae copia accipitur.

Resp. Maxentium pro prædictis rebus peregrinis, vel alijs exquisitis, aut non necessariis illud solum pretium exigere posse, quod prudentis arbitrio, spectatis circumstantijs, iustum censetur, ac proinde illicite easdem vendere pretio, quo potest maximo. Ita Nauarr. c. 23. Enchiridij n. 78. Caiet. 2. 2. q. 77. art. 1. Molin. D. 384. ad fin. Rebellus l. 2. q. 2. sect. 2. n. 10. ad 2. Lessius l. 2. de just. c. 21. dub. 3. Ioan. Salas de empt. & vendit. dub. 5 & alij. Ratio est, quia in his rebus, quæ legitimum pre-

pretium aut vulgare non habent, illud censetur iustum, quod communiter iustum aestimatur; ex hac quippe communi aestimatione, quae est quedam quasi lex, constitutio pretij pendet, non autem ex voluntate cuiusque, aut ex singulare alterius affectu; valde siquidem alienum à ratione est, rei valorem ex proprio tantum iudicio, & ex nimio emptoris affectu, animique levitate pensare, ut resolutur in l. *pretia rerum ff. ad l. Falcidiam.*

Ad 1. in contrarium negantibus consequentiā ob rationē recens indicatam. Ad 2. Esto illae res non sint necessariæ: nec teneatur illas vendere Maxentius; si tamen vendere velit, pretium illarum à communi prudentum iudicio statuere debet. Adagium illud res tantum valet, &c. intelligendum intra latitudinem iusti pretij, & seclusa fraude. Ad 3. dicimus, nullam esse causam huius præsumptionis, cum excessum non concederet, si iusto pretio rem obtinere posset. Ad 4. Aestimationem illam esse iustum, cum non ex iudicio unius, sed ex communi fiat, quæ licet irrationalis sit, sufficit tamen ad pretium iustum constitutendum, ut recte aduertit Couarr. 2. variar. c. 3. n. 4.

LIX. Narses Clericus Beneficiatus in nuperris Bacchanalibus laruatus per Ciuitatem incessit, alijsque personatis Laicis se iungens post varios iotos exercitos, tandem cum uno eorum rixas exci-